

ORDENANZA REGULADORA DA TAXA POR OCUPACIÓN DE TERREOS DE USO PÚBLICO MUNICIPAL CON MESAS, CADEIRAS, TRIBUNAS, TABOADOS E OUTROS ELEMENTOS ANÁLOGOS, CON FINALIDADE LUCRATIVA

Artigo 1º. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local, e os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, acorda a imposición e ordenación da **Taxa por ocupación de terreos de uso público municipal con mesas, cadeiras, tribunas, taboados e outros elementos análogos, con finalidade lucrativa.**

Artigo 2º. Feito imponible

Constitúe o feito imponible da Taxa a utilización privativa ou aproveitamento especial do dominio público municipal polos conceptos que se sinalan no título da taxa.

Artigo 3º. Suxeitos pasivos

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no feito imponible.

Artigo 4º. Responsables

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.
- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5º. Cota tributaria

A cota desta taxa será a que figura no anexo desta ordenanza.

Artigo 6º. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7º. Percepción

Percíbese a taxa e nace a obriga de contribuír:

- Nos servicios de retribución puntual, no momento de presenta-la solicitude de concesión ou autorización.
- Nos servicios de retribución periódica, percibirase a taxa o día primeiro de cada ano natural.

Artigo 8º. Liquidación

- Cando se trate de servicios puntuais, liquidarase e esixirase a taxa en calidade de depósito previo, en todo caso antes de iniciarse o trámite do expediente de concesión ou autorización do aproveitamento solicitado.
- Cando se trate de servicios de retribución periódica, liquidarase e esixirase a taxa nos períodos que se sinalen na tarifa da taxa ou na liquidación única anual.
- Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

Artigo 9º. Ingreso

O pagamento desta taxa realizarase:

- Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio do expediente de concesión ou autorización do aproveitamento interesado.
- Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.

Artigo 10º. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

Artigo 11º. Normas de xestión

- As persoas ou entidades interesadas na concesión ou autorización para realiza-los aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. Antes da autorización ou concesión do aproveitamento, a persoa ou entidade interesada no aproveitamento aboará o importe da taxa en calidade de depósito previo.
- No caso de denegarse as autorizacións, os interesados poderán solicita-la devolución da taxa ingresada

en calidade de depósito previo.

- Unha vez autorizada ou concedida a licenza de aproveitamento entenderase prorrogada mentres non presente a declaración de baixa o interesado.

- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirán efectos no período natural seguinte ó de presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a taxa.

DISPOSICIÓN FINAL

A presente ordenanza fiscal, cunha redacción definitiva aprobada polo Pleno da corporación na sesión que tivo lugar na data que se expresa no anexo a esta ordenanza, entrará en vigor o día 1 de xaneiro de 1999.

O Alcalde,



O Secretario acctal.

A large, stylized handwritten signature in black ink, written over a horizontal line.

3. Nº 8: *Taxa por Ocupación de Terreos de Uso Público Municipal con Mercadorías, Materiais de Construccións, Refugallos, Valados, Puntais, Anillas, Andamios e Instalacións Análogas*

A N E X O

As tarifas que se aplicarán para a exacción desta taxa serán as seguintes:

| <u>Conceptos</u> | <u>Euros</u> |
|---|--------------|
| a) Ocupación da vía pública ou terreos de uso público con escombros, materiais de construción, vagonetas metálicas "containers", para a recollida ou depósito dos mesmos, así como mercadorías. (Os primeiros 8 días sen taxa, a partires do noveno día, ó mes) . | 41,88 |
| b) Ocupación da vía pública o terreos de uso público con valados, caixóns de cerramento, sexan ou non para obras e outras instalacións análogas. (Por metro cadrado ó trimestre ou fracción) | 8,38 |
| c) Cuota mínima (o trimestre ou fracción) | 31,48 |

DISPOSICIÓN FINAL

A presente redacción desta Ordenanza Fiscal aprobada polo Pleno da Corporación en sesión celebrada o 31 de outubro de 2008, entrará en vigor o día seguinte o da súa publicación no Boletín Oficial da Provincia, sendo de aplicación a partir do 1 de xaneiro de 2009, permanecendo en vigor ata a súa modificación ou derogación expresa.

4. Nº 11: *Taxa por Entradas de Vehículos A Través da Beirarúas e Reservas de Vía Pública para Aparcamiento Exclusivo, Parada de Vehículos, Carga e Descarga de Mercaderías de calquera clase.*

A N E X O

As tarifas que se aplicarán para a exacción desta taxa serán as seguintes:

| <u>Conceptos</u> | <u>Euros</u> |
|---|--------------|
| a) Reserva para taxis, con parada na vía pública ó ano | 23,04 |
| b) Entrada de vehículos a garaxes ou locais de particulares, cun máximo de cinco metros, ó ano. | 20,94 |
| c) Por cada vehículo/praza de capacidade en garaxes | 9,42 |
| d) Talleres e similares que non se adiquen a garaxe público como actividade principal | 36,64 |
| e) Zona de carga e descarga con horario limitado (metro lineal ou fracción/ano) | 31,41 |

DISPOSICIÓN FINAL

A presente redacción desta Ordenanza Fiscal aprobada polo Pleno da Corporación en sesión celebrada o 31 de outubro de 2008, entrará en vigor o día seguinte o da súa publicación no Boletín Oficial da Provincia, sendo de aplicación a partir do 1 de

día seguinte o da súa publicación no Boletín Oficial da Provincia, sendo de aplicación a partir do 1 de xaneiro de 2009, permanecendo en vigor ata a súa modificación ou derogación expresa.

5. Nº 13: *Taxa por servizos de Distribución de Auga, Gas, Electricidade e outros abastecementos Públicos, incluídos os Dereitos de Enganche de Liñas e Colocación e Utilización de Contadores e instalacións Análogas, cando tales Servizos ou Subministrados sexan prestado Pola Entidade Local.*

A N E X O

As tarifas que se aplicarán para a exacción desta taxa serán as seguintes:

A) VIVENDAS E LOCAIS COMERCIAIS.
TARIFA ÚNICA:

| <u>Conceptos</u> | <u>Euros</u> |
|---|--------------|
| a) Mínimo mensual 5 m3 (€/mes). | 1,50 |
| b) De máis de 5 m3 a 30 m3 (€/mes). | 0,25 |
| c) Exceso de 30 m3 (€/mes) | 0,35 |

B) CONEXIÓN Á REDE XERAL

- Inclúese contador accesorios deste é 3 m. de tubería como máximo 251,73

DISPOSICIÓN FINAL

A presente redacción desta Ordenanza Fiscal aprobada polo Pleno da Corporación en sesión celebrada o 31 de outubro de 2008, entrará en vigor o día seguinte o da súa publicación no Boletín Oficial da Provincia, sendo de aplicación a partir do 1 de xaneiro de 2009, permanecendo en vigor ata a súa modificación ou derogación expresa.

6. Nº 16: *Taxa por Ocupación de Terreos de Uso Público Municipal con Mesas, Cadeiras, Tribunas, Taboados e Outros Elementos Análogos, con Finalidade Lucrativa.*

A N E X O

As tarifas que se aplicarán para a exacción desta taxa serán as seguintes:

| <u>Conceptos</u> | <u>Euros/Tempada</u> |
|---|----------------------|
| — Ocupación de terreos de uso público municipal con mesas, cadeiras, tribunas, taboados e outros elementos análogos, con finalidade lucrativa (€/mesa). | 15,74 |

DISPOSICIÓN FINAL

A presente redacción desta Ordenanza Fiscal aprobada polo Pleno da Corporación en sesión celebrada o 31 de outubro de 2008, entrará en vigor o día seguinte o da súa publicación no Boletín Oficial da Provincia, sendo de aplicación a partir do 1 de